

# NOBILISSIMO NEC-NON INTEGERRIMO

VIRO D. DOMINO GVILLELMO DELANDES

D. DE SAGY, MAIGNENVILLE, &c. IN SVPREMA CVRIA

SENATORI, SIMON LE LETIER. S. P.

**S**i parallelum queris & tui ipsius, & eorum qui tibi vota nuncupant, (Iudex æquissime) ac ut tecum ad eundem eminentiæ polum constituti finiantur, me omni censura nota inurendum esse puto nec disputo: verum si tacita mente repetas concessam illam, quam habent homines, licentiam, ut nempe diis omnino dispares, illis tamen litare possint; aliqua profectò ex parte mihi reprehensionis multa irroganda est, qui tuo numini medica hæc theoremata consecrarim. Et ut ex conscientia minus dissimulatrice loquar, ad te non accedere non potui: id postulante tue humanitatis præiudicata opinione, (quã neminem literatorum cum supercilio excipis & fastidio,) atque illa maxima & incredibili, qua semper erga auum patremque meum usus es, benignitate; quarum altera efficit ut id audeam, altera ut debeam. Quod si fortè (vir integerrime) audacia à te veniat accusanda, excusanda saltem officij mei ratio; & hac excitabor excusatione ad memoriam tui nominis sempernam. Vale.

## AD QVODLIBETARIAM.

QVÆSTIO MEDICA MATVTINIS DISPVATIONIBVS. 547

AGITANDA IN SCHOLIS MEDICORVM, DIE IOVIS XV. DECEMB.

M. MAVRITIO DE MONSTROEIL DOCTORE MEDICO MODERATORE.

*An ventriculo calidis, carnes frigide?*

**R**ERV M omnium quatuor primordia, primum calidum ignis, (qui etiam è sua sphaera in hæc inferiora suo pte impetu descendit,) primum humidum aer, primum frigidum aqua, primum siccum terra, cuius vberior in nobis est quàm aliorum copia, duplex qualitas cuilibet elemento concessa summum sui generis gradum utraque non adimplens, sed altera intensissima altera remissa: Ex æquali horum quatuor corporum concursu & vario vltro citroque conflictu exurgit mixtio, in qua hæc corpora non ~~mixta~~ sed ~~mixta~~ quæ elementorum formæ non sunt, se se subeunt & penetrant; in mixtis non summæ remanent qualitates, sed refractæ concordii & amica discordia vniuntur, & dimicant.

**N** hoc primorum corporum conflictu, si æquis viribus coeant qualitates, (quarum duæ actiuæ duæ passiuæ) *Exegola* illa latitudinis expers, medium extremorum ad vñquem obtinens, resilit, eamque dari nihil repugnat, ad quam ut ad Polycleti statutam cæteræ exigendæ temperies, hac præditus homo aliis est viuacior, & perfectiores obit actiones: si imparibus viribus congregiantur, vel vna quævis qualitas cæteris eminet, & consistit; vel duæ cæteris excellunt, sicque calida humida, calida sicca, frigida humida, frigida sicca, temperies emergunt, & in hominum genere alij sanguinei, biliosi, melancholici, pituitosi non ineptè dicuntur.

**P**ORRO vt maior mundus dissimilum partium vario concentu constans exurgit, sic homo maioris epitomè varias diuersâ temperie temperatas & structurâ conformatas partes obtinuit; in cute sola (cui actio propria & communis tribuitur) exactam temperiem adeptus est, reliquæ eius partes prout à cutis mediocritate recedunt, temperatæ vel intemperatæ æstimantur, cor calidum & siccum iurè perhibetur, cerebrum, in cuius qualibet parte facultates *lymphaticæ* sitæ sunt, & operantur, summâ naturæ sagacitate frigore & humore temperatum est, iecur naturalis spiritus fons, calida & humida temperie fruitur: dicam verbo partes spermaticæ sunt frigida, sanguineæ calida, molles humida, duræ sicca, à quarum materia vt & diuersa, sic diuersæ actiones.

**I**SC E partibus, quarum nulla prius, posteriùsue, intenditur à natura, corporis humani conflatur mirabilis compages, quæ statim periret nisi calor actionum opifex ab elementari, & febrili frustra distinctus, quo vita definitur, & viuens omne calidum dicitur, cuius nifu ignibus Lybiæ & Septentrionis frigoribus perusti proceri euadunt, in humore oleoso, crasso, pinguedini (quæ à frigore in animalibus etiam calidioribus concreuit) non absimili radices ageret, huic calido innato nulla arte, ne quidem forbili auro, reparabili, sanguis partium omnium pater nutritius se se præbet deuorandum, cuius quantum in nobis est, tantum & caloris inest, vnde *ex aqua* exanquibus calidiora: huius viuifici rosis beneficio partes defraudatæ exarescunt, & quo non rigata caro musculorum tabescit; calor omnis marcescit pabuli inopia.

**E**CORI huius pabuli auctori, & vnico infimæ corporis regionis principi, vt coquus apprime necessarius famulatur ventriculus, gemino constans tergore, præcordiorum calore adiutus, cæca & abdita proprietate alimenta in lacteam, qua non alitur, substantiam conuertit, huius partis eupragia totius corporis tenor seruatur, xaxopragia (de qua vrbani, literarum cupidi maxima ex parte queruntur) labascit, & euertitur naturalis oeconomia. Ventriculus vt à toto mala recipit, sic refundit; exæstians paucum *ex aqua*, putrem, nidorosum, *ex aqua* procreat, ex eo producitur sanguis æquè vitiosus, quem in venis impuro isto alimento turgentibus contentum, partes fastidiunt, fame sitique exhaustæ gracilescent. Quid multa? ventris calidis (qui venosi, iracundi, nec frigidis curandi sunt) interna flagrant, cutis refrigeratur, ad partes enim affectas omnis extimarum partium calor reuocatur, vt fit in lipyria, & principiis accessionum, à quibus arcenda est phlebotomia, purgatio.

11

*Ergo ventriculo calidis carnes frigide.*

Proponēbat SIMON LE LETIER PARISINVS. Anno R. S. M. DC. XVI.

DOMINI DOCTORES DISPVATVRI.

M. Guillelmus du Val. P. R.

M. Ioannes Akakia.

M. Gaspart Brayer.

M. Nicolaus Henault.

M. Phillebertus Guibert.

M. Ioannes Pietre.

M. Henricus Blacnod.

M. Gabriel Biart.

M. M. Ioannes Desgorris. M. R.